

“Фармацевтика тармоғини ривожлантириш агентлигининг Лицензиялаш ва назорат қилиш бошқармаси томонидан ўтказилган текширувда Фарғона вилоятида жойлашган “Ferghana Invicta Pharm” МЧЖда аниқланган лицензия талаб ва шартларини бир марта қўпол равишда бузилиш ҳолатлари бўйича унга дори воситаларини ишлаб чиқариш учун берилган 2018 йил 2 июлдаги П6511 рақамли лицензиянинг амал қилишини тугатишни сўраб Фарғона туманлараро иқтисодий судига киритилган даъво ариза суднинг 2021 йил 24 март кундаги 4-1501-2104/478-сонли ҳал қилув қарори билан қаноатлантирилди ва “Ferghana Invicta Pharm” МЧЖга фармацевтика фаолияти билан шуғулланиш учун берилган лицензиянинг амал қилиши тугатилди.

Шу билан бирга, Лицензиялаш ва назорат қилиш бошқармаси фармацевтик лицензиатларни рўйхатдан ўтказилмаган, сифатсиз, қалбакилаштирилган дори воситаларини, шунингдек Ўзбекистон Республикасида рўйхатдан ўтказилган дори воситаларининг ғайриқонуний нусхаларини, ишлаб чиқариш, сақлаш ва реализация қилиш республикага ноқонуний йўллар орқал кириб келган дори воситаларини ри воситалари ва тиббий буюмларни сақлаш ва реализация қилишга йўл қўймаслик тўғрисида яна бир бор огоҳлантиради.”.



Ўзбекистон Республикаси
Олий суди
Верховный суд
Республики Узбекистан



OSM4000000006566074

Отправитель: Фарғона туманлараро иқтисодий суди
Адрес: Fargona shahar, Al-Farg'oniy ko'chasi 47-uy
Получатель: Ўзбекистон Республикаси Соғлиқни сақлаш вазирлиги ҳузуридаги Фармация тармоғини ривожлантириш агентлиги
Тошкент шаҳар, Юнусобод тумани, Чингиз Айтматов кўчаси 1 а уй
г.Ташкент Юнусобод тумани

Суд ҳужжатининг рақами/Номер судебного документа	4-1501-2104/478
Суд ҳужжати санаси/Дата судебного документа	24.03.2021 йил
Суд ҳужжати тури/Тип судебного документа	Хал қилув қарори
Варақлар сони/Количество страниц	5
Суд номи/Наименование суда	Фарғона туманлараро иқтисодий суди
Суд манзили/Адрес суда	Fargona shahar, Al-Farg'oniy ko'chasi 47-uy
Суд ҳужжати юборилган сана/Дата отправки судебного документа	30.03.2021 йил
Почта реестр рақами/Номер почтового реестра	2093-1-04-1





ЎЗБЕКИСТОН RESPUBLIKASI НОМИДАН ҲАЛ ҚИЛУВ ҚАРОРИ

Фарғона шаҳри

2021 йил 24 март

4-1501-2104/478-сонли иш

Фарғона туманлараро иқтисодий судининг судьяси Х.Жамолиддинов раислигида, судья ёрдамчиси Р.Рахматовнинг суд мажлиси котиблигида, даъвогар вакиллари Ш.Аминқулов (2021 йил 12 январдаги 25-09/0115-сонли ишончнома ва 2021 йил 10 мартда берилган 152-сонли адвокатлик ордерига асосан), Г.Зуфарова ва Н.Сарқисянц (2021 йил 5 мартдаги 25-08/0841-сонли ишончномага асосан), жавобгар вакили А.Пўлатов (2021 йил 24 мартдаги рақамсиз ишончнома ва 2021 йил 16 мартдаги 91-сонли адвокатлик ордерига асосан) иштирокида даъвогар Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлигининг жавобгар «FERGHANA INVICTA PHARM» МЧЖга фармацевтика фаолиятини амалга ошириш учун берилган №П6511-рақамли лицензиянинг амал қилишини тугатиш тўғрисидаги даъво аризаси бўйича қўзғатилган иқтисодий ишни, Фарғона туманлараро иқтисодий судининг биносидан, очиқ суд мажлисида видеоконференцалоқа режимида кўриб чиқиб қуйидагиларни

АНИҚЛАДИ:

Даъвогар Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги судга даъво аризаси билан мурожаат қилиб, жавобгар «FERGHANA INVICTA PHARM» МЧЖга фармацевтика фаолиятини амалга ошириш учун берилган №П6511-рақамли лицензиянинг амал қилишини тугатишни сўраган.

Даъвогар вакиллари суд мажлисида тушунтириш бериб, агентликнинг ишонч телефонида фуқаролар Т.Г.Закиров ва Б.Р.Кудратовлар томонидан жавобгарнинг дори воситалари ишлаб чиқариш корхонаси томонидан ишлаб чиқарилган 70 фоизли тиббиёт этил спирти сифатидан норози бўлиб қилган мурожаатларига асосан жавобгар дорихонасида текшириш ўтказилганлигини, текширув натижалари бўйича лицензия томонидан лицензия талаб ва шартлари, тиббиёт соҳасидаги қонун ҳужжатлари талаблари қўпол равишда бузилганлиги аниқланганлигини, шу сабабли судга даъво аризаси киритилганлигини баён қилиб, даъво қаноатлантиришни сўрадилар.

Жавобгар вакили судга экспертиза тайинлаш тўғрисида илтимоснома ва даъво аризаси бўйича эътирознома тақдим қилиб, иш бўйича Ўзбекистон Республикаси Адлия вазирлиги қошидаги Х.Сулаймонова номидаги Республика суд экспертиза маркази экспертлари томонидан “Таркибида спирт бўлган суюқликлар ва улар изларининг суд экспертизаси” тайинланишини, текширув ўтказган агентлик ходимларини текширув ўтказиш учун махсус рухсатномаси мавжуд ёки мавжуд эмаслиқ ҳолати аниқланмаганлигини, суд томонидан даъво қаноатлантириш тадбиркорлик фаолиятини олиб бораётган корхона фаолиятини тугатишга олиб келишини билдириб, даъво талабини рад қилишни сўради.



Суд даъвогар ва жавобгар вакилларининг тушунтиришларини тинглаб, иш материалларини ўрганиб чиқиб, далилларни текшириб, қуйидаги асосларга кўра, аризани қаноатлантиришни лозим деб топади.

Жавобгар «FERGHANA INVICTA PHARM» МЧЖ Фарғона вилоят, Фарғона шаҳар, Гулистон кўчаси 7-А уйда жойлашган бўлиб, Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги томонидан берилган 2018 йил 2 июлдаги №П6511-рақамли лицензия асосида дори воситаларини ишлаб чиқаришни амалга ошириш фаолияти билан шуғулланиб келган.

Иш материалларига қараганда, Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги (лицензияловчи) ва жавобгар «FERGHANA INVICTA PHARM» МЧЖ (лицензиат) ўртасида 2018 йил 2 июль куни 14797/13810-18-сонли лицензия битими тузилган бўлиб, унга кўра лицензияловчи органнинг 2018 йил 30 майдаги 23-сонли қарори (2018 йил 2 июлдаги 28-сонли қарори билан қайта расмийлаштирилди) билан лицензиатга фармацевтика фаолиятининг дори воситаларини ишлаб чиқариш фаолияти билан 2023 йил 30 майга қадар шуғулланиш учун П6511-сонли лицензия берилган.

2020 йил 21 декабрда фуқаро Т.Г.Закировнинг 65/ИТ-рақамли ва 2021 йил 8 январда фуқаро Б.Р.Қудратовнинг 03/ИТ-рақамли Фармацевтика тармоғини ривожлантириш агентлиги ишонч телефонига «FERGHANA INVICTA PHARM» МЧЖ дори воситалари ишлаб чиқариш корхонаси томонидан ишлаб чиқарилган 70 фоизли тиббиёт этил спирти сифатидан норози эканликлари тўғрисида мурожаатлари келиб тушган.

Ушбу мурожаатларга асосан Агентликнинг Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан келишиш тартибида (текшириш учун берилган махсус код-128824) 2021 йил 14 январдаги 6-сонли буйруғига мувофиқ «FERGHANA INVICTA PHARM» МЧЖ дори воситалари ишлаб чиқариш корхонасида 2021 йил 19-20 январь кунлари текширув ўтказилган. Текширувни бошлашдан аввал жавобгар корхона раҳбари Х.Тожибоев текширувни ўтказишга асос бўлган Агентликнинг 2021 йил 14 январдаги 6-сонли буйруғидан ва жавобгар манзилида ўтказиладиган текширишлар учун назорат дастуридан нусхалар олганлиги, ҳамда текшириш ўтказиш мақсади, текширишда тадбиркор ҳуқуқлари, агентликнинг текширув ўтказиш учун масъул бўлган ходимлари хизмат гувоҳномалари, текшириш ўтказиш ҳуқуқини берувчи махсус гувоҳномалари кўрсатилганлиги ҳақида тилхат берилган.

Ўтказилган текширув натижалари бўйича лицензиат томонидан лицензия талаб ва шартларини кўпол бузилиш ҳолатлари аниқланган.

Хусусан, “Дори воситаларини стандартлаштириш илмий маркази” МЧЖ томонидан ўтказилган таҳлил натижаларига кўра 781120 ҳамда 751120 сериялардаги маҳсулот намуналари “Плотность” ҳамда “Объём заполнения упаковки” кўрсаткичлари бўйича меъерий ҳужжатлар талабларига жавоб бермаслиги, сифатсизлиги кўрсатилган.

Бундан ташқари, жавобгар корхона томонидан 781120 серия 150900 флакон миқдоридagi маҳсулот учун 2020 йил 14 декабрда мувофиқлик сертификати олинган бўлса-да, текширув кунда, яъни 2021 йил 19 январь куни 781120 серияни ёрликлаш ва қадоқлаш ишлари амалга оширилаётганлик ҳолати кузатилган. Ишлаб чиқариш да ишлаб чиқарилаётган маҳсулотни илгари берилган мувофиқлик сертификати да реализация қилиш мақсадида тахминан 70000 та 781120 флакон қўшимча шда қадоқланган. Шунингдек, текшириш кунда корхонада сифатни назорат ш бўйича масъул мутахассис Ш.Маматхўжаева лицензиялаш талаб ва шартларига



жавоб бермаслиги, тегишли малакага эга эмаслиги, мутахассислар учун лавозим йўриқномалари мавжуд эмаслиги, ишлаб чиқариш зоналари (флаконларга қуйиш, ювиш ва қуритиш, маҳсулотларни тортиш, сақлаш хоналари) бошқа мақсадларда ишлатилганлиги, барча хоналарда 70 фоизли тиббиёт этил спиртини ёрликлаш ва қадоқлаш ишлари олиб борилаётганлиги, флакон ва қопқоқларни ювиш ва қуритиш ишлари олиб борилмаётганлиги, ишлаб чиқариш хоналари ифлос, чанг ва таъмирталаб эканлиги, 70 фоизли тиббиёт этил спирти санитария талабларига жавоб бермайдиган шароитларда (темир контейнерда) сақланаётганлиги, корхонада ёнғин хавфсизлиги меъёрлари ва қоидалари бузилганлиги, 96 фоизли тиббий этил спирти (хом ашё), тозаланган сув учун сифат назорати бўйича журналлар нотўғри тўлдирилганлиги, журнални олдиндан тўлдириш ҳолатлари мавжудлиги, яъни текширув кунида журналда 25 январь куни билан қайд этилган ёзувлар ва бошқа кўплаб тиббиёт соҳасидаги қонунбузилиш ҳолатлари мавжудлиги аниқланган.

Текшириш якуни бўйича корхона раҳбари Х.Тожибоевнинг тушунтириш хатида тайёрланган ва сертификатлаштирилган тиббиёт этил спирти текширув пайтида вақтинчалик темир контейнерда сақланаётганлиги, корхона янги ишлаб чиқариш ҳудудига кўчишга бўлиб турган таёргарликлар жараёнида корхонадаги қуйиш линияси янги жойга кўчириб ўтилганлиги, ушбу корхонада кичик қуйиш дозаторларидан фойдаланиб келаётганлиги, ҳақиқатдан ҳам бино таъмирталаб ҳолга тушиб қолганлигини, айтилиб вақтда қуйиш линияси янги ишлаб чиқариш жойига кўчирилганлиги учун спирт сақлаш катта ёмкости монтаж ишларини ўзгартирмаганлиги сабабли 1000 литрли полиэтилен ёмкостлардан фойдаланиб келаётганлигини, текширув кунида ушбу ёмкостлар омборхонадан ташқарида турганлигини, 7811сериядаги спирт маҳсулотлари иккинчи маротаба ноқонуний равишда ишлаб чиқариш ходимлари хатолиги билан ишлаб чиқарилаётганлини кўрсатиб ўтилган.

Жавобгар вакилининг экспертиза тайинлаш тўғрисида илтимосномаси экспертиза тайинлаш учун етарли асослар мавжуд эмаслиги, текшириш жараёнида жавобгарнинг шахсан иштирок этганлиги, текшириш натижалари бўйича тузилган далолатномага эътироз билдирмаганлиги, далолатномада кўрсатилган тиббиёт соҳасида қонун ҳужжатлари бузилганлиги ҳолатларига иқрорлиги, бу ҳақда тушунтириш хати берганлиги сабабли жавобгар вакилининг экспертиза тайинлаш тўғрисидаги илтимосномасини қаноатлантириш суднинг ажрими билан рад қилинган.

Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги ва «FERGHANA INVICTA PHARM» МЧЖ ўртасида 2018 йил 2 июлда тузилган лицензия битимининг 2.1-бандида “Лицензиат” ўз фаолиятини дори воситалари ва фармацевтика фаолияти тўғрисидаги қонун ҳужжатларига, жумладан дори воситалари ва тиббий буюмларнинг нархини давлат томонидан тартибга солишнинг билгиланган тартибига, шунингдек дори воситаларини ишлаб чиқариш, тайёрлаш, сақлаш ва улгуржи реализация қилиш доирасида техник жиҳатдан тартибга солиш соҳасидаги норматив ҳужжатларга, экология ва санитария қоидалари нормалари ва гигиеник нормаларга қатъий риоя қилган ҳолда амалга оширади деб белгиланган.

Лицензия битимининг 6.3-бандида сифатсиз ва қалбакилаштирилган дори воситалари ва тиббий буюмларни, шунингдек Ўзбекистон Республикасида рўйхатдан ўтказилган дори воситаларининг ғайриқонуний нусхаларини сақлаш ва реализация қилиш лицензиянинг амал қилишини белгиланган тартибда тугатишга олиб келувчи лицензия талаблари ва шартларини кўпол равишда бузилиши ҳисобланиши кўрсатилган.

Шунингдек, жавобгар корхонанинг лицензия битимида санитария қоидалари, нормалари ва гигиеник нормативларга қатъий риоя этиш мажбуриятларини риоя



этмаганлиги лицензия битими ва шартларининг қўпол равишда бузиш деб баҳоланиши лозим.

Ўзбекистон Республикасининг “Фаолиятнинг айрим турларини лицензиялаш тўғрисида”ги Қонунининг 23-моддасининг биринчи қисмининг 5-хатбошида лицензиат лицензия шартномасида назарда тутилган лицензия талабларини ва шартларини мунтазам равишда ёки бир маротаба қўпол равишда бузганлиги лицензиянинг амал қилиш муддатини тугатишга асос бўлиши белгиланган.

Ўзбекистон Республикасининг “Дори воситалари ва фармацевтика фаолияти тўғрисида”(янги таҳририда)ги Қонунининг 21-моддасида дори воситаларини ва тиббий буюмларни тайёрлаш, бериш, реализация қилиш қоидаларига ва уларнинг сифатини таъминловчи сақлаш шароитларига дорихоналар томонидан қатъий риоя этилиши, шунингдек санитария қоидалари, нормалари ва гигиена нормативлари талабларига жавоб бериши кераклиги кўрсатиб ўтилган.

Юқорида қайд этилган ҳолатлар жавобгар корхона томонидан лицензиянинг белгиланган талаб ва шартлари қўпол равишда бузилганлигини тасдиқлайди, шу сабабли суд аризани қаноатлантириб, жавобгар «FERGHANA INVICTA PHARM» МЧЖга 2018 йил 2 июлда фармацевтика фаолиятини амалга ошириш учун берилган №П6511-рақамли лицензиянинг амал қилишини тугатишни, ҳамда жавобгар корхона зиммасига 10 кунлик муддат ичида лицензиянинг асл нусхасини Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлигига топшириш, даъвогар Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги зиммасига эса лицензияни йўқ қилиш, лицензиянинг амал қилишини тугатиш тўғрисидаги маълумотни оммавий ахборот воситаларида эълон қилиш мажбуриятини юклашни лозим деб топади.

Шунингдек, суд ИПКнинг 118-моддаси талабларига риоя қилган ҳолда Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги фойдасига жавобгар «FERGHANA INVICTA PHARM» МЧЖдан 19600 почта харажати, жавобгардан Олий суд депозитига 61250 сўм ВКА харажати ундиришни лозим деб ҳисоблайди.

Юқоридагиларга асосан, суд Ўзбекистон Республикаси Иқтисодий процессуал кодексининг 118, 176-179, 215-217, 220-222-моддаларини қўллаб,

Қ А Р О Р Қ И Л А Д И :

Ариза қаноатлантирилсин.

Жавобгар «FERGHANA INVICTA PHARM» МЧЖга 2018 йил 2 июлда фармацевтика фаолиятини амалга ошириш учун берилган №П6511-рақамли лицензиянинг амал қилиши тугатилсин.

Жавобгар «FERGHANA INVICTA PHARM» МЧЖ зиммасига лицензиянинг асл нусхасини Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлигига 10 кун муддат ичида топшириш мажбурияти юклатилсин.

Даъвогар Ўзбекистон Республикаси Соғлиқни Сақлаш Вазирлиги ҳузуридаги Фармацевтика тармоғини ривожлантириш агентлиги зиммасига лицензияни йўқ қилиш, лицензиянинг амал қилиши тугатилганлиги тўғрисидаги маълумотни оммавий ахборот воситаларида эълон қилиш мажбурияти юклатилсин.

Жавобгар «FERGHANA INVICTA PHARM» МЧЖдан Олий суд депозит ҳисоб рақамига 61250 сўм ВКА харажати ундирилсин.

Ўзбекистон Республикаси Соғлиқни Сақлаш Вазирлиги ҳузуридаги фармацевтика тармоғини ривожлантириш агентлиги фойдасига жавобгар «FERGHANA INVICTA PHARM» МЧЖдан 19600 сўм почта харажати ундирилсин.



Ишда иштирок этувчи шахслар ўн кунлик муддат ичида суднинг ҳал қилув қарори устидан шу судга апелляция шикояти келтиришига ҳақли.

Судья

Х.Жамолиддинов

